

# ଯୋହନ ଲେଖୁଥିବା ଦ୍ଵିତୀୟ ପତ୍ର ଜଅନ୍ ଦୁଇପାଲି ଚିଠି ଲେକ୍‌ଲାଟା ଏ ବଇର୍ ବିସଇ ଜାନ୍‌ବାଟା

ଜଅନ୍ ଲେକ୍‌ଲା ଦୁଇଟା ଚିଠି ଜିସୁକିରିସ୍‌ଟ ଜନମେଅନି ୧୦୦ କିରିସ୍‌ଟାବ୍‌ଦରେ ପେରିଡ୍ ଜଅନର୍ ଲାଗି ଲେକା ଅଇରଇଲା । ଜଅନ୍ ନିଜକେ ଲେକିଆଟିବଲି ଜାନାଏନାଇ । ତାର୍ ବାଦୁଲେ ସେ ନିଜକେ ପାର୍‌ତିନ୍ ବଲିକରି ଜାନାଇ ଅଇଲାନ୍ତି । ଜଅନର୍ ଦୁତିଅ ଚିଠିର୍ ବିସଇ ସଙ୍ଗ୍ ଜଅନ୍ ଲେକ୍‌ଲା ସୁସମାଚାର୍ ରଇବା ବିସଇ ସଙ୍ଗେ ସମାନ୍ । ଏଟା ସତ୍‌ସଙ୍ଗ୍ ଜିସୁକେ ଜଅନ୍ ଇସାବେ ସେ ଗଟେଲକ୍ ଆରି ଗଟେକ୍ ଲକ୍‌କେ ଆଲାଦ୍ କର୍‌ବା ସମାନ୍ । ଜିସୁର୍ ଆଦେସ୍‌କେ ମନ୍‌ଦେବାଇ, ସେ ରକାମ୍ ଜିସୁର୍ ଆଦେସ୍‌କେ ମାନ୍‌ବାଟା ଅଇଲାନ୍ତି, ତାକେ ଆଲାଦ୍ କର୍‌ବାର୍ ଜଅନ ୧:୫-୬;୧:୬;୧୦ ।

ଏଟା ବିସ୍‌ବାସ୍ କରିଅଇସିଜେ, ଜଅନ୍ ଜେଡେବେଲେ, ଏପିସିଏ ବାସାଅଇ ରଇଲା, ସେ ସୁଦ୍‌କବର୍ ସଙ୍ଗ୍ ତାର୍ ତିନ୍‌ଟା ଚିଠି ମିସା ଲେକି ରଇଲା । ସେଟା ଅଇଲାନ୍ତି ୧ ଜଅନ, ୨ ଜଅନ, ଆରି ୩ ଜଅନ୍

## ଏ ବଇବିଡ୍‌ରେ ରଇବା ବିସଇ

୧. ଜଅନ୍ ଏ ଚିଠି କାର୍‌ପାଇ ଲେକ୍‌ଲାନ୍ତି ଏଟା କଇ ତାର୍ ବିସ୍‌ବାସ୍ କର୍‌ବା ଲକ୍‌ମନ୍‌କେ ଜୁଆର୍ ଜାନାଇଲାନ୍ତି । ୧:୧-୩
୨. ଜଅନ୍ ତାର୍ ମଣ୍ଡଲିମନ୍‌କେ ସାଆସ୍‌ଦେଇକରି ବଡ୍ ଆଦେସ୍‌ର୍ ବିସଇ ମନେ ଏତାଇଦେଲାନ୍ତି । ୧:୪-୬
୩. ସେ ମିର୍‌ସିକିଆ ଦେଉ ମନର୍ ବିସଇ ଜାଗର୍‌ତା କଲାନ୍ତି । ୧:୭-୧୧
୪. ସେ ଜନ୍‌ଲଗେ ବାସାଅଇ ଆଟେ ତେଇର୍ ବିସ୍‌ବାସିମନ୍‌କେ ଜୁଆର୍ ଜାନାଇକରି ଏ ଲେକା ସାରାଇଆଟେ । ୧:୧୨-୧୩

୧ ପାର୍‌ତିନ୍ ଜଅନ୍‌ଜେ ମୁଇ ଏ ଚିଠି ଲେକ୍‌ଲିନ୍ତି । ଏ ଚିଠି ଆମର୍ ଆଲାଦର୍ ବଇନ୍ତି ଆରି ତାର୍ ପିଲାମନର୍‌ପାଇ । ମୁଇ ସତଇସେ

ତମ୍ଭେ ସବୁଲକ୍ଷ୍ମୀମନ୍ତେ ଆଲାଦ୍ କଲିନି । ଆରି ମୁଇସେ ନାଇ,  
ସତ୍ ବିସଇ ଜାନିରଇବା ସବୁଲକ୍ଷ୍ମୀ ମିସା । ୨ ଆମେ ସତ୍ ବିସଇ  
ଜାନିରଇଲାରପାଇ ତମ୍ଭେ ଆଲାଦ୍ କଲିନି । ଆରି କାଲକାଲ୍  
ଦୁଗ୍‌ଦୁଗ୍ ପାଇ, ସେ ସତ୍ ବିସଇ ଜାନିରଇବୁ ।

୩ ଆମର୍ ବାବା ପର୍ମେସର୍ ଆରି ତାର ପଅ ଜିସୁକ୍ରିସ୍ଟ ଆମ୍ଭେ  
ଆସିର୍ବାଦ୍ କରି ଦୟା ଦେକାଅ ଆରି ସାନ୍ତି ଆରି ସତ୍‌ସଙ୍ଗ୍ ବଢ଼ିବାକେ  
ଦେଅ । ତମେ ଗଟେକ୍ ଲକ୍ ଆରି ଗଟେକ୍ ଲକ୍‌କେ ଆଲାଦ୍ କରା ।

### ସତ୍ ଆରି ଆଲାଦ୍

୪ ଆମର୍ ବାବା ପର୍ମେସର୍ ଆମ୍ଭେ ତିଆର୍ଲାପାରା ତମର୍  
କେତେଟା ପିଲାଟକ୍‌ମନ୍ ତାର ସତ୍‌ବାଟେ ଇଣ୍ଡିଲାଇନି ବଲି ସୁନିକରି  
ମୁଇ ବେସି ସାରଦା ଅଇଲି । ୫ ଏବେ ଆରି ମର୍ ଆଲାଦର୍ ବଇନି,  
ମୁଇ ତକେ ଗଟେକ୍ ବିସଇ କର୍ବାକେ କଇବି । ଗଟେକ୍ ନୁଆ  
ଆଦେସ୍ କର୍ ବଲି କଇନାଇ । ମାତର୍ କିରିସ୍ଟ ସଙ୍ଗ୍ ଜିବାକେ  
ଆରାମ୍ କର୍ବା ବେଲେଅନି ଏଟା ଆମେ ସୁନି ଆଇଲୁନି । ମୁଇ  
ମାଙ୍ଗ୍‌ଲିନି ତମେ ଗଟେକ୍ ଲକ୍ ଆରି ଗଟେକ୍ ଲକ୍‌କେ ଆଲାଦ୍ କରା  
। ୬ ଏ ଆଲାଦର୍ ଅରତ୍ ଅଇଲାନି ଆମେ ପର୍ମେସର୍ ଆଦେସ୍  
ସବୁ ମାନ୍‌ବାର୍ ଆଟେ । କିରିସ୍ଟ ସଙ୍ଗ୍ ଜିବାକେ ଆରାମ୍ କର୍ବା  
ବେଲେଅନି ଏଟା ଆମେ ସୁନି ଆଇଲୁନି । ତମେ ଗଟେକ୍ ଲକ୍ ଆରି  
ଗଟେକ୍ ଲକ୍‌କେ ଆଲାଦ୍ କରା ।

୭ କାଇକେ ବଇଲେ ମୁଇ ଏନ୍ତିବଲି କଇଲିନିଜେ ସତ୍ ନ  
ରଇବା ବିସଇ ସିକାଇକରି ଲକ୍‌ମନ୍ତେ ନାଡାଇବା ବେସି ଲକ୍  
ଗୁଲାଇବାଟେ ଆଟତ୍ । ଜିସୁକ୍ରିସ୍ଟ ନର୍‌ରୁପ୍ ଦାରି ଏ ଜଗତେ  
ଆସେନାଇ ବଲି ସେମନ୍ କଇବାଇ । ଜଦି କେ ମିସା ସେନ୍ତାରି  
କଇଲେ, ସେ ଲକ୍‌ମନ୍ତେ ନାଡାଇବା କିରିସ୍ଟର୍ ବିରଦି ।  
୮ ଲକ୍‌ମନ୍ ତମ୍ଭେ ନାଡାଇ ନାପାରତ୍, ତମେ ଜାଗରତ୍‌ସଙ୍ଗ୍  
ରଇବାର୍ ଆଟେ । ଜେନ୍ତାରିକି ପର୍ମେସର୍‌କେ କର୍ବା ତମର୍ ସେବା  
କାମ୍ ବେକାର୍ ନ ଅ । ମାତର୍ ତମର୍ ସେବାକାମର୍ ପାଇ ପର୍ମେସର୍  
ତମ୍ଭେ ପୁରାପୁରୁନ୍ ଅଇତେ ଇନାମ୍ ଦେଇସି ।

୯ ଜଦି କେ କିରିସ୍ତ ସିକାଇଲା ବିସଇ ବିସ୍ବାସ୍ ନ କରେ, ଆରି ତାର୍ ସିକିଆର୍ ସଙ୍ଗ୍ ତାର୍ ନିଜର୍ତା ମିସାଇଲେ, ସେ କିରିସ୍ତର୍ ସଙ୍ଗ୍ ମିସେନାଇ । ମାତର୍ କେ ଜଦି କିରିସ୍ତ ସିକାଇଲା ବିସଇ ବିସ୍ବାସ୍ କରେତେରଇସି, ସେ ବାବା ପରମେସର୍ ସଙ୍ଗ୍ ଆରି ତାର୍ ପଅ ଜିସୁକିରିସ୍ତ ସଙ୍ଗ୍ ମିସିଲାଆଚେ ।<sup>୧୦</sup> ତେବର୍ପାଇ କେ ଜଦି ତମର୍ତାନେ ଆସି, କିରିସ୍ତ ସିକାଇରଇବା ବିସଇତେଇଅନି ବିନ୍ ବିସଇ କଇଲେ, ତାକେ ତମର୍ ଗରେ ମୁଲକେ ଡାକିନିଆ ନାଇ, କି ସଙ୍ଗର୍ ବିସ୍ବାସି ଇସାବେ ଜୁଆର୍ବିଆର୍ କରାନାଇ ।<sup>୧୧</sup> ଜଦି କେ ମିସା ସେନ୍ତାରି ଲକ୍କେ ଜୁଆର୍ବିଆର୍ କର୍ସି, ସେ ବୁଲ୍ ସିକାଡର୍ ସଙ୍ଗ୍ ମିସିକରି ତାର୍ କାରାପ୍ କାମେ ମିସିଲାନି ।

### ସାରା ସାରି ବେଲର୍ କାତା

<sup>୧୨</sup> ମୁଇ ତମ୍କେ ବେସି ବିସଇ ଲେକ୍ବାକେ ମନ୍ କଲିନି, ମାତର୍ ଚିଟିଟାନେ ଲେକ୍ବାକେ ମନ୍ କରିନାଇ । ତାର୍ବାଦୁଲେ ଆସିକରି ତମର୍ ମୁଆଟେ କାତା ଅଇବି । ତେବେ ଆମେ ପୁରାପୁରୁନ୍ ସାର୍ଦା ଅଇବୁ ।

<sup>୧୩</sup> ପରମେସର୍ ବାଟିରଇବା ବଇନିର୍ ପିଲାମନ୍, ତମ୍କେ ଜୁଆର୍ ଜାନାଇଲାଇନି ।

**ସତ୍ତ୍ୱିୟ ବାବ୍**  
**The New Testament in the Desiya language of India:**  
**ସତ୍ତ୍ୱିୟ ବାବ୍ (Bible)**

copyright © 2020 The Word for the World International

Language: ଦେଶିଆ (Desiya)

Contributor: The Word for the World International

**ସତ୍ତ୍ୱିୟ ବାବ୍**  
**ଦ୍ୱିତୀୟ ନିୟମ, 2020**

The New Testament in Desiya Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-08

---

PDF generated using Haiola and XeLaTeX on 21 Feb 2024 from source files dated 9 Apr 2023

cd4d7c1f-dc97-5fb4-a0ba-ab968fde9cde